



Inatsisartunut ilaasortaq Agathe Fontain, Inuit Ataqatigiit

Meeqqat inuusuttullu annertuumik innarluutillit tikeraarlutik angalasarnissaat pillugu § 37 naapertorlugu apeqquteqaammut akissuteqaat

15-07-2014
Sags nr. 2014-101864
Dok. nr. 1637697

Asasara Agathe Fontain.

Postboks 260
3900 Nuuk

Meeqqat inuusuttullu annertuumik innarluutillit tikeraarlutik angalasarnissaat pillugu apeqquteqaatinnut qujanaq.

Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Apeqqut 1

Meeqqat inuusuttullu 16-it 24-llu akomanni ukiullit annertuumik innarluutillit innarluuteqarnertik pissutigalugu Kalaallit Nunaanni avataanilu najugaqarallartut ukiumut marloriarlutik tikeraarlutik angalasarnissaannut assigiimmik pisinnaatitaaffeqarnissaat qaqugu timitalerneqassava?

Akissut

Taamatut pisinnaatitaaffeqarneq Annertuumik innarluutillit ikiorserneqartarnerat pillugu Namminersorlutik Oqartussat nalunaarutaanni nr. 8-mi, 25. juni 2014-imeersumi atuutilersinneqarpoq.

Apeqqut 2

Meeqqat inuusuttullu tikeraarlutik angalasarnerat pillugu malitarisassat ataatsimut naliliivigineqarnissaat qaqugumita naammassineqassava?

Akissut

Namminersorlutik Oqartussat - KANUKOKA suleqatigalugu - innarluutillit suliassaqarfianni kommunit aqutsinerisa naliliivigineqarnerat ingerlatilerpaa, tamanna 1. januar 2011-mi kommuninut isumagisassanngortinneqarmalli. Naliliineq taanna - KANUKOKA suleqatigalugu - ukiakkut 2014-imi naammassineqassaaq. Taamatut naliliinerup ilaatut meeqqanut inuusuttunut allanullu tikeraarluni angalatitsisarnerit aqunneqartarnerat naliliivigineqarpoq.

Apeqqut 3

Meeqqat inuusuttullu annertuumik innarluutillit, ukiui apeqqutaatinnagit, innarluuteqarnertik pissutigalugu Kalaallit Nunaanni avataaniluunniit najugaqarnersut apeqqutaatinnagu ukiumut marloriarlutik illoqarfigisaminnut tikeraarlutik tamarmik angalasinnaatitaalernissaat pisariaqartinneqarnersoq qaqugu qulaajarniarneqarpa?

Akissut

Tamanna innarluutillit suliassaqarfiata naliliivigineqaqqinnissaanut ilanngunneqassaaq, tamatumani ilaatigut inatsiseqartitsineq misissuataarneqassalluni.

Inussiarnersumik inuulluaqqusillunga
Med venlig hilsen

Martha Lund Olsen